

古詩源卷十三

長洲沈德潛確士選

梁詩

江淹

文通頗能修飾而風骨未高

從冠軍建平王登廬山香爐峰

廣成愛神鼎。淮南好丹經。此山俱鸞鶴。往來盡仙靈。瑤草正翕艷。玉樹信蔥青。絳氣下縈薄。白雲上杳冥。中座瞰蜿蜒。俛伏視流星。不尋遐怪極。則知耳目驚。日落長沙渚。曾陰萬里生。藉蘭素多意。臨風默含情。方學松柏

言卷十三
隱差逐市井名。幸承光誦末。伏思託後裔。

望荆山

奉詔至江漢。始知楚塞長。南關繞桐柏。西嶽出魯陽。寒
郊無畱影。秋日懸清光。悲風撓重林。雲霞肅川漲。歲晏
君如何。零淚霑衣裳。玉柱空掩露。金尊坐含霜。一聞苦
寒奏。再使豔歌傷。蕭瑟

古離別

雜擬共三十
首今存五首

遠與君別者。乃至雁門關。黃雲蔽千里。遊子何時還。送
君如昨日。簷前露已團。不惜蕙草晚。所悲道里寒。君在

天一涯。妾身長別離。願一見顏色。不異瓊樹枝。免絲及
水萍。所寄終不移。淮南子曰。夫萍樹根于水。木樹根于土。天地性也。此借以表己志之貞。

班婕妤詠扇

紈扇如團月。出自機中素。畫作秦王女。乘鸞向煙霧。彩
色世所重。雖新不代故。竊愁涼風至。吹我玉階樹。君子
恩未畢。零落在中路。

劉太尉琨傷亂

皇晉遘陽九。天下橫氛霧。秦趙值薄蝕。幽并逢虎據。伊
余荷寵靈。感激徇馳騫。雖無六奇術。冀與張韓遇。甯戚

扣角歌。桓公遭乃舉。苟息冒險難。實以忠貞故。空令日月逝。愧無古人度。飲馬出城壕。北望沙漠路。千里何蕭條。白日隱寒樹。投袂既憤懣。撫枕懷百慮。功名惜未立。予髮已改素。時哉苟有會。治亂惟冥數。末段悲壯去太尉不遠

陶徵君潛田居

種苗在東皋。苗生滿阡陌。雖有荷鋤倦。濁酒聊自適。日暮巾柴車。路闇光已夕。歸人望煙火。稚子候簷隙。問君亦何爲。百年會有沒。但願桑麻成。蠶月得紡績。素心正如此。開徑望三益。得彭澤之清逸矣

休上人怨別

西北秋風至。楚客心悠哉。日暮碧雲合。佳人殊未來。露
彩方泛艷。月華始徘徊。寶書爲君掩。瑤琴詎能開。相思
巫山渚。悵望陽雲臺。高鑪絕沈燎。綺席生浮埃。桂水日
千里。因之平生懷。有佳句

效阮公詩

歲暮懷感傷。中夕弄清琴。戾戾曙風急。團團明月陰。孤
雲出北山。宿鳥驚東林。誰謂人道廣。憂慨自相尋。寧知
霜雪後。獨見松竹心。

少年學擊劍。從師至幽州。燕趙兵馬地。唯見古時邱。登城望山水。平原獨悠悠。寒暑有往來。功名安可留。若木出海外。本自丹水陰。羣帝共上下。鸞鳥相追尋。千齡猶旦夕。萬世更浮沈。豈與異鄉士。瑜瑕論淺深。

昔余登大梁。西南望洪河。時寒原野曠。風急霜露多。仲冬正慘切。日月少精華。落葉縱橫起。飛鳥時相過。搔首廣川陰。懷歸思如何。常願反初服。閒步潁水阿。

宵月輝西極。女主映東海。佳麗多異色。芬葩有奇采。綺縞非無情。光陰命誰待。不與風雨變。長共山川在人道。

則不然消散隨風改。

能脫當時俳偶之習然較之阮公相去不可數計

范雲

有所思

如何有所思而無相見。時宿昔夢顏色。階庭尋履綦。高張更何已。引滿終自持。欲知憂能老。爲視鏡中絲。

贈張徐州謾

田家樵採去。薄暮方來歸。還聞穉子說。有客款柴扉。僂從皆珠玳。裘馬悉輕肥。軒蓋照墟落。傳瑞生光輝。疑是徐方牧。既是復疑非。思舊昔言有。此道今已微。物情棄

疵濺。何獨顧衡闌。恨不具雞黍。得與故人揮。懷情徒草
草。淚下空霏霏。寄書雲間雁。爲我西北飛。既是疑非
跌宕有神

送沈記室夜別

桂水澄夜氛。楚山清曉雲。秋風兩鄉怨。秋月千里分。寒
枝寧共採。霜猿行獨聞。捫蘿正憶我。折桂方思君。

之零陵郡次新亭

江干遠樹浮。天末孤煙起。江天自如合。煙樹還相似。滄
流未可源。高颿去何已。

別詩

洛陽城東西。長作經時別。昔去雪如花。今來花似雪。自然

得之故佳後人學步便覺有意

任昉

贈郭桐廬出溪口見候余既未至郭仍進村維
舟久之郭生乃至

朝發富春渚。蓄意忍相思。涿令行春返。冠蓋溢川坻。望
久方來萃。悲懽不自持。滄江路窮此。湍險方自茲。疊嶂
易成響。重以夜猿悲。客心幸自弭。中道遇心期。親好自
斯絕。孤遊從此辭。如題轉落不見痕迹長題以此種爲式

言部卷十三
贈徐徵君

促生悲永路。早交傷晚別。自我隔容徽。於焉徂歲月。情
非山河阻。意似江湖悅。東臯有儒素。杳與榮名絕。曾是
違賞心。曷用箴余缺。眇焉追平生。塵書廢不閱。信此伊
能已。懷抱豈暫輟。何以表相思。貞松擅嚴節。

別蕭諮議

衍

離燭有窮輝。別念無終緒。歧言未及申。離目已先舉。揆
景巫衡阿。臨風長楸浦。浮雲難嗣音。裴徊悵誰與。儻有
關外驛。聊訪狎鷗渚。

出郡傳舍哭范僕射

三首之一

與子別幾辰。經塗不盈旬。弗覩朱顏改。徒想平生人。寧知安歌曰。非君撤瑟晨。已矣余何歎。輟春哀國均。

寧知安歌

日一聯令人幾不敢言
歡娛情辭極爲深宛

邛遲

侍宴樂遊苑送張徐州應詔

詰旦閭闔開。馳道聞鳳吹。輕蕤承玉輦。細草藉龍騎。風遲山尚響。雨息雲猶積。

音漬

巢空初鳥飛。荇亂新魚戲。實

惟北門重。匪親孰爲寄。參差別念舉。肅穆恩波被。小臣

信多幸。投生豈酬義。史記齊威王曰吾使有黔夫者使守徐州則燕人祭北門故知與徐

州關合非尋常徵引○西征賦曰豈生命之易投

旦發漁浦潭

漁潭霧未開。赤亭風已颺。櫂歌發中流。鳴鞞響沓嶂。村童忽相聚。野老時一望。詭怪石異象。嶄絕峰殊狀。森森荒樹齊。析析寒沙漲。藤垂島易陟。崖傾嶼難傍。信是永幽棲。豈徒暫清曠。坐嘯昔有委。臥治今可尙。

柳惲

江南曲

汀洲採白蘋。日暖江南春。洞庭有歸客。瀟湘逢故人。故
人何不返。春花復應晚。不道新知樂。祇言行路遠。

贈吳均

寒雲晦滄洲。奔潮溢南浦。相思白露亭。永望秋風渚。心
知別路長。誰謂若燕楚。關候日遼絕。如何附行旅。願作
野飛鳥。飄然自輕舉。

擣衣詩

孤衾引思緒。獨枕愴憂端。深庭秋草綠。高門白露寒。思
君起清夜。促柱奏幽蘭。不怨飛蓬苦。徒傷蕙草殘。

行役滯風波。游人淹不歸。亭皋木葉下。隴首秋雲飛。寒園夕鳥集。思牖草蟲悲。嗟矣當春服。安見禦冬衣。

鶴鳴勞永歎。採芣傷時暮。念君方遠遊。望妾理紈素。秋風吹綠潭。明月懸高樹。佳人飾淨容。招攜從所務。

步櫚杳不極。離堂肅已扃。軒高夕杵散。氣爽夜砧鳴。瑤華隨步響。幽蘭逐袂生。躑躅理金翠。容與納宵清。

擣衣只於

未首正點
以上寫情

庾肩吾

奉和春夜應令

春牖對芳洲。珠簾新上鉤。燒香知夜漏。刻燭驗更籌。天
禽下北閣。織女入西樓。月皎疑非夜。林疎似更秋。水光
懸蕩壁。山翠下添流。詎假西園讌。無勞飛蓋遊。寫景媚
秀一結

是應
令體

亂後行經吳御亭

御亭一。回望風塵千里昏。青袍異春草。白馬卽吳門。獯
戎鯁伊洛。雜種亂輶輶。輦道同關塞。王城似太原。休明
鼎尙重。秉禮國猶存。殷牖爰雖隳。堯城吏轉尊。泣血悲
東走。橫戈念北奔。方憑七廟略。誓雪五陵冤。人事今如

此天道共誰論。

御亭吳大帝所建在晉陵別本作郵亭誤

咏長信宮中草

委翠似知節。含芳如有情。全由履迹少。併欲上階生。

併欲

字唐人多此種字法

經陳思王墓

公子獨憂生。邱壠擅餘名。采樵枯樹盡。犁田荒隧平。寧追宴平樂。詎想謁承明。旦余來錫命。兼言事結成。飄飄河朔遠。颭颭颶風鳴。雁與雲俱陣。涉將蓬共驚。枯桑落古社。寒鳥歸孤城。隴水哀笳曲。漁陽慘鼓聲。離家來遠

客安得不傷情。

庾肩吾張正見其詩聲色臭味俱備詩之佳者在聲色臭味之俱備如庾如張

是也詩之高者在聲色臭味之俱無如陶淵明是也。梁陳隋間人專工琢句如庾肩吾泛舟後湖殘虹收度雨缺岸上新流張正見賦得白雲臨浦疎葉臨嵇竹輕鱗入鄭船江總贈人露洗山扉月霜開石路煙隋煬帝鳥擊初移樹魚寒欲隱苔皆成名儁然比之池塘生春草天際識歸舟等句痕迹宛然矣于此足覘風氣

吳均

答柳惲

清晨發隴西。日暮飛狐谷。秋月照層嶺。寒風埽高木。霧露夜侵衣。關山曉催軸。君去欲何之。參差間原陸。一見終無緣。懷悲空滿目。